

## RAJOTTYA CATERA TESADONICA JANVAJYU

Pávuvedabay nuyadara catera rijyu,  
Tesadónica janvavyedabay, jiryatiy  
Jüdenü siityarivavyedabaryi

**1** <sup>1-2</sup>Ray Pávuru, Sinubánuta,  
Timutévuta jarye, nuñúrya catera  
jiryeyyu Tesadónicamu vichavay,  
jiryatiy savicha Jüdenü jiryeyye, savicha  
Jesucrístu jiryentyityuntiy. Samiryá  
jiryecha, samiryá racha jiryechiy  
varintiy.

Ridytyadoda Tesadónicamu  
siityarivavyedabarya samiryá  
jachipiyajada

Variñumatiy nutyuchutityi sisa  
Jüdenü jiryeyadaju, nuñítachara jíta  
Jüdenüva nuñi jiryeyyu: “iRanumatera!”  
<sup>3</sup>Nujechipitya Vujye Jüdenü diyadaja-  
chera jiryatiy jiryivaachara sajura,  
jiryetyuvachodamu jvaachara, jiryivaa-  
yada parucharimysiy, jiryevyatadamu  
jarye, jiryatiy jiryevyatani Jüdenü;  
nujchiptyara jiryentuyadantiy, jiryatiy  
jiryentuy jaryiñi Vuyntyityu Jesucrístu  
daryaju. <sup>4-5</sup>Ratyeryiveda, Jüdenü  
vatasavay, nudyetya jíta sajaryetada  
Jüdenü jiyu jiryey, tapi jiryatiy  
nutyuchodara samituchoda jiryiva, ne  
ritojada mitya niquejada jiryimu,  
ritojada jíta Jüdenü vanuyadada,  
suntuta jarye, nudyetyada jíta sítenu  
varidyerya. Daryanuma jíta jiryedye-  
tyantidyerya nvyichada jiquebyimun-  
tidye, numecho variy jiryimutyisavajyu.

<sup>6</sup>Ramusintiy nudyetya sajaryetada  
Jüdenü jiryey, jiryatiy jiryey jíta jantyati-  
tyirya nvyichada day, Vuyntyityu  
Jesucrístu vichadantiy, daryatiy  
jiryedyryejadara Jüdenüchiy tuchoda  
parutyasadanube; jiryichanayadamu  
jidyryejada darya, Jüdenü Jnutumusi  
jiryichanayada. <sup>7</sup>Daryanuma jíta  
ravichanuyada jiryevyichada  
riryenyadaju títaju Jüdenümu  
tuvachuvay, jiryatiy Masedóniya  
mucadimu vichavaryi, Acáya mucadimu  
vichavantiy. <sup>8</sup>Ratiche jíta jiryedyetyado-  
dara Vuyntyityu niquejada, ne vinu  
Masedóniya mucadimu, Acáya mucadi-  
muntiy, títaju vichadiva ratiche  
jiryetyuvachoda Jüdenümu, ne rivyata  
nuñajtay tara yiva variñuday,  
ridyetyama daryaju darya.

<sup>9</sup>Riñi jíta jiryatiy rityuvachodara, riñi  
tuchutityiyada nunchiy, nutyuramusiy  
jiryedyryejada nuy, varityi nujeñuyada  
jiryimu. Rityuchuntiy jiryatiy  
jiryeparyadada riva jiputeranacho  
jnuyada, jiryannumityejada variy Jüdenü  
nachaju, jiryatidye vicha variy samuche-  
chimy. Niñi jíta sítenu Jüdenü day, ne  
diiyasi sanicha, ne quivurya risajuni,  
mitya. <sup>10</sup>Jiryannumityedivasiy sanachojuyu,  
jiryentutyityirya sadenu jtijada  
jarichumusi, jiryatiy samisadeda  
diiyimi cabyimusiñi, jiryatiy Jesús jtyati  
ni. Niñi rarachara vuryeyadaju Jüdenü  
niqueyadajisiy, vujyuuchueda murichirya  
niqueyadajisiy, sarachara vuryeyadaju.

**Nutyuramusiy sivaayada  
Pávurubay Tesadónicamu**

**2** <sup>1</sup>Jiryeni jita, ratyeryiveda, jiryedyetisatya ne ravichada mitya nujeñuyada jiryimu. <sup>2</sup>Ne jiryinuy, nuñi jvachadivasiy nuñavitiyeyechadivasiy jarye Vidípomu, nudyitoyada variy jiryimu, nuvyanutyada variy Vuryindenumuy, dañuma riñiqueyada jaryi variy nuñijyu, nudyetyadoda variy jichuvuyasadamura samituchoda, jiryatiy Jüdenumusirya. <sup>3</sup>Nudyetyadoda jita ne cararya, dantyamuy ne vacha jvaayadamusirya, dantyamuy ne quivuyada. <sup>4</sup>Daryatiy jita santyaada Jüdenu nuy, sadatyama rivasiy nunchiy: “Riñi siityevay rañuchura samituchoda.” Daryani jita nutyuchura samituchoda day, ne nijyanvay canuyadaju, Jüdenu canuyadaju jita nutyuchu darya, ne jiryinuy santyasarara vujechiy. <sup>5</sup>Jiryedyetisatya samiy, tama nuñique yinnuvayadamusiy jirye, tama, sadatya jita Jüdenuntiy, ne nudyetyanu jirye, nuñatidye jato tara variy jijyu. <sup>6-7</sup>Dantyamuy ne nuvyatada riryajchanatya nijyanvay nuy, richiityarijadivasiy, dantyamuy ne jiryimusiy, dantyamuy ne tavamyusiy. Jiryatiy nuvyicha Crístu nusubymiy, nuryi saboniy ramusiy jirye. Dañuma nuñicha nutyu derapudera jiryequebyimu, nutyu nanutama deramiy jnutyanyuryi deramiy, nanunique nutyu dera niquejadata variy ruuva, daryani nuñicha jiryisa.

<sup>8</sup>Daryantiy, nuvyatada jaryi daryaju jirye, nuçheryuyada variy jiryerya, ne vinu samituchoda Jüdenumusiy, nuñi saryuntyirya jivyichada titajuntiy, jiryatiy jaryi vatasavay daryaju nujujyu jirye. <sup>9</sup>Jiryechipitya dyetyara nudyivaayada, ratyeryiveda; parucharimysiy nudyivaañuyada

nuporasarajura, nuryiñuma çasirya jiryetyevay barya, jiryatiy nudyetyadoda varirya Jüdenu tuchoda jasiy. <sup>10</sup>Jirye jita diyada riva, Jüdenu jarye, nutyuramusiy nuvyichanuyada jiryisa, nutyuramusiy, jiryatiy Jesúsnu tuvachuvay jirye. Nuvyichanuyada Jüdenumu jnyvye, samirya vichavay, ne juuchatavay nuvyicha variy. <sup>11-12</sup>Jiryedyetya jita nutyura nuvyichadeda jirye, nutyu tiqui vanutiy jvaatyaniryuryi jidyedyeñu, schanachu variy ramusiryi, sadatyanuntiryi, daryani jita nuvyichadeda jirye, jiryatidye vicha suncanuyadaju Jüdenu, ne jiryinuy sanatyada yinsujyomuju, vandajomuju jiryedye.

<sup>13</sup>Ramusiy jita nuñichanatya japichifi Jüdenu, tapi jiryimutyajadanumatirya Jüdenu niquejada nudyimusiy, ne jiryedyiryejada nutyu nijyami niquejadara, jirye diryejada jita nutyu Jüdenu niquejada darya, daryani jita sitenu raniha, ravanutya jita jirye, Jesúsnu tuvachuvay.

<sup>14</sup>Jirye jita, ratyeryiveda, jiryevyichanuyada daryantiy nutyu Jesucristumu tuvachuvajyuu, jiryatiy Judéya mucadimu vichavay daryantiy. Nutyu ripyarutyadatiy judíyurveda jityevay jarupantadamusiyu, daryaday jiryepyarutyasara jityevay jarupantadamusintyidyeyu. <sup>15</sup>Judíyurveda jita mudodani Nutyityu, nini Jesús rinyudoda, Jüdenuju tuchuvay jarye, rinyununuyada nuñi tiquimusiy, nuy jitantiy, rijetyada variy nuntidyeyu. Jüdenu niruryavitya darya jvaayada day, titaju nijyanvay jiyaronusavay riva riy. <sup>16</sup>Riñi jubayadara nuñiquejada riryajisiy jiryatimuy ne Judíyurveda daryi, riñuma ramityany yivara Jüdenu jiyasayada. Ramusiy riryajtotanichara judíyurveda jiyuuchurveda, rajtisara Jüdenu jiyasayada ranijujyu, pattaryi titajura.

**Pávurubay jañuryyada ruumuntiy**

<sup>17</sup>Nuy jita, ratyeryiveda, nuchetadiveda jiryenchiy taraquiju, vucyarayada vinu vumyonchiy, ne vucyaray vujechinchidye. Jaryi nuñuvayada variy jirye, nudyiryuyada daryaju riva jiryemyó, nudyeyaryuada variy vaniravaju jiryimuju. <sup>18</sup>Nuñi jiyaryuada jiryimuju, ray Pávuru rañi jniryuñuyada jiryimu, Satanásiy tutaniyajada daryaju nuy. <sup>19</sup>Ne jiryinuy jiryimu darya nuytuyada day, nuñichanayada jarye; nudyivaayada murichirya jarye, ranchityi nuñajchanatyani Vuyntyityu Jesús, jimyutjadamu. <sup>20</sup>Sitenute jiryeñicha vandavatye nuju, nuñichanayadamuju.

**3** <sup>1</sup>Varityimyu ne nujehideda diryuyada jiryiva, nujechipiyajada samiy ratidye macho rasiquita Aténamu, nuñajpani Timutévu satidye jañuy jiryimu variy.

<sup>2</sup>Nuñipajada jitaní Timutévu variy, nitiy vutyeryí, jiryatyí Judenu muhechintyidyeñi, satidye datyanura samituchoda sanchiy Crístu. Nuñipajadani satidye surutyaniy jirye, savanutyaniy variy jiryetyuvachodamuyu. <sup>3</sup>Ne ti rasiquitya variy jiryetyenu jityuvachoda jarupadodamusiy, jiryeñi datyama: “Jarupadoda jarye sabay Judenu vujyu.”

<sup>4</sup>Nuvyichanuyadanumatyí jiryisa, nutyuchutityí jityaju jiryivara, samituchoda jiyadaju vuryaparutyajayasara vuy, jiryedyetyisatya daryaniday ravichada day. <sup>5</sup>Ramunítimyu ne rajehideda nundyerye, ripajada variñi Timutévu, ratidye datya simusirya nutyura ravichanuyada jiryetyuvachoda, ritay daryaju saquivuchu dyetya quivurya tarata jirye, ramachojada mitya variy rivaayada jiryimu.

<sup>6</sup>Diye jita sitima Timutévu jiryimusiy, satuchujamya nudyivara samiy tuchoda jiryetyuvachodanchiy, jiryevyatadanchiy jarye; ranchintiyi jiryatyí jiryejechipiyasara samiy nuñiju, jiryeñuvay jarye nudyivasiy, nutyu nuñuvay darya jiryivasintyidye. <sup>7</sup>Jirya tuchodamusiy, ratyeryiveda, nuyvanutyajajasiy variy ranchiyu. Títaju nuyarutyadanube, nuñarupanusadamu jarye, ravanutyaja jiryetyuvachoda nuy. <sup>8</sup>Ne jiryinuy sitenuni nuñinuy jiryetyí jiryiryí radeda surra Nutyityumu. <sup>9</sup>¿Nutyichiñate nuñajchanatya samiñi Judenu jiryeyadaju, nutyichiy? títaju nuñichanayadaju jarye jiryatyí nuñichanay jiryenchintiyi, Vuryindenu diyadajache. <sup>10</sup>Nujechinuy jaryí variy siva jnarya, nupora jarye, nuñatidye diy junay jiryemyova, nuñaratanu varirya jiryatyí rasutye jiryetyuvachusadamu.

<sup>11</sup>Vujye Judenu jita, Vuyntyityu Jesús jarye, sama jdutyara nú nuñajju, nuñatidye jto jiryimu variy. <sup>12</sup>Jiryeju jita sajasachu Nutyityura jiryevyatarate day, jiryatidye vata variy jaryí nuñi jiryeyu, jiryantya vata títajuntidyeryí nijyanvantyidye, nutyu nuyvata darya jiryentyidye. <sup>13</sup>Ramusiy savanutyaniy jiryechiy jiryatidye vichasara jiintyisavay, ne juuchataavay, mitya, Vujye judenu diyadajache, sanumatyí mutisara Vuyntyityu Jesús, títaju sajiintyavay yisa.

**Nutyura savatasara Judenu vuvyichadaju**

**4** <sup>1</sup>Jadchintiyi, ratyeryiveda, nujechinuy samiy jiryiva, nuñitay samiy Nutyityu Jesús jtedamu jiryivantiy: Daryatyí jiryimutyajada nudyimusirya nutyuramusiy vuryavicha samirya, nutyuramusiy vuryi jvaarya Judenu vatarantiy, daryatyí jiryevyichantidye, daryanuma jiryechantidye, jaryivyajuntya

jiryajvaarya. <sup>2</sup>Jiryedyetya daryajura nudyetyadoda, jiryaty nudyetyadoda Nutyityu Jesús jtedamu jiry.

<sup>3</sup>Rani jita Jüdenü vatarä day, jiryatidye vicha jiintyisavay, juuchajämiy, ne jiryajvaañada jiryatimyu ne jiryevyaturuy nada day. <sup>4</sup>Jiryantya datya jvaayada nada, nuñi jivyaturuy, Jüdenü diyadajache, samirya jachipiyajadamu jarye. <sup>5</sup>Ne jiryajvaay mitya jiñiruyadamu nada, vacha jachipiyajadamu, nutyu nijyanvay jvaay darya nada jivyaturuy, jiryatimyu ne ridyetyani Jüdenü. <sup>6</sup>Ne ti rajvaaryuñada jityenu vaturuy, sajarupanu variñi, tapi samurichenutaniy jita Nutyityura titaju darya jvaayada. Nutyuchodama daryaju jityaju darya jiryiva day. <sup>7</sup>Sanatuyada vitya jiryinuy Jüdenü vacha jvaayadaju vuy, sanatuyada jita samirya jvaayadaju davyuy. <sup>8</sup>Ramunitiy nitiy ne tuvachuruy ramu jirya datyadoda, ne saviryutya ratani datyanu, saviryutya jita varityeni Jüdenü day, nitiy sayada Yintu jiintyasi jiry.

<sup>9-10</sup>Ranchiñi jita jiryaty vuryi vatasara nuñivajyuu vuy, ne rasutye nuyada jiryeyunüday, tapi datyanusava ñuma jiry Jüdenusidye, jiryatidye vata nuñi jiryeyu, nutyu jiryevyatanuma titaju riy vutyeryiveda Masedóniya mucadimu vichavay. Nuñitay jita jiryivantiy, ratyeryiveda: Jiryajasachura jivyatada nuñi jiñijyu. <sup>11-12</sup>Jadchintiy, jiryantya jantya vichada jityojomu, jiryatidye jvaay nuñi tiqimusirya vivaayada, nuñi jijyomututa, nutyu nuñiteda tariy jiryiva, jiryatidye vicha samirya jachityavay ridyia jiryatimyu ne Jesúsnu tuvachuvadyeryi, ne rasutye tara variy jiryimusiy.

#### Nutyura racha Vuyntyityu jtjada

<sup>13</sup>Nuñitay jita jiryiva, ratyeryiveda, nuyvatatya jiryecha datyisamiy rinchiy

jiryaty rime jidyiryovedamu, ne jiryayivay jaryi ruuvasiy, nutyu riyivatyasara tavayu, rityimyu ne datya tara nuñajiju. <sup>14</sup>Vutyi tuvachu jita ramu Jesús diiyada, samisadamu jarye vutyuvachu, daryamusiy jita sajaray Jüdenü Jesústa riy mavve, rityi may Jesúsnu tuvachodamu. <sup>15</sup>Jiryate nutyuchute jiryiva Nutyityu jtedamu: Vuy jita jiryaty vumecho jnyve rubiva diivve, Nutyityu mutijadasaraju, ne vuryajasumiy riryajisiy jiryaty mavvedyeryi. <sup>16</sup>Tapi niday Nutyityu rajmusa jarichumusintiy natuyeyadata, jiryaty sanique Jüdenü jpanu munaty, jiryaty rasuy Jüdenü natutya. Riryamisa jita diivve variy munatya, jiryaty Jesúsnu tuvachuvay rivyichanuyada. <sup>17-18</sup>Jadchiy jita, jiryaty vumecho jnyve rubiva, vuryajasumichara rusa, rapuryeryadi-nube, vuryatidye jidchoni navañi Nutyityu. Daryamusiy jita vuryechajayasara samirya sisa variy. Ramuniday jiryavanutyaniy jirya niquejadata nuñi jiryedyeyu.

**5** <sup>1</sup>Ranchiy jita jiryaty ti datyaruy nutyeryivve sajtimu Jesús, tara rundamu sajavaay Jüdenü tará, ritay diye jiryiva, ratyeryiveda, ne jiryevyata ratidye nuy tara jiryimuju. <sup>2</sup>Jiryeniday datya samirya jiryaty Nutyityu runda rajti vuñiyaresiy, nutyu paranuni jutí vuñiyaresiy nupora daryá. <sup>3</sup>Riñumatiy jtay: “Samirya day vuñicha,” ranuma jutí rarunda, variñi jita rajuy mityamusiy paruteda ruumu, nutyu rupachodamu nuvadedä rajti nadimu jiryaty mudasijyu nada, dantamuy ne riryabay parutedajisiy. <sup>4</sup>Jiry jita, ratyeryiveda, ne jiryevyichasara nupocudinube, raryiñuma sarye sarunda jiry, nutyu paranuni ne saryeni ti sabaryaty saparanuruy. <sup>5</sup>Jiry titaju daryaju vanda dadyeñu day, jnarya

dadyeñu jarye, ne nupora dadyeñu davyuy, dantyamuy ne nupocudi dadyeñu vuy. <sup>6</sup>Ramunimuy ne vuryamay, nutyu rime tavay; vuryantya jnyu vuryeyada, ne vuryecha niyuyada jachimiy. <sup>7</sup>Mavye jita nupora mavye, niyubyimiy jarye nupora niyuvye. <sup>8</sup>Vuy jita jiryatij narya dadyeñu davyuy, vuryamacho mitya rundamu, vubeyada variy vuryivara Jesúsmu tuvachoda, surra jachivyetyidye vuryecha variy; savatada jarye vuryabay vuryiva, vujechiy mutadujyu, vuryabantiyrya vuryeyada rayada vichada vuryinocojuntiy. <sup>9</sup>Tapi ne sabayada Judenura nujuuuchuvediva tanuvudodaju, sabayada jitaru vuryatidye canarya vuryiva jantyuchada Vuyntyityu Jesucristumusi. <sup>10</sup>Nini jita diiyada vuryeyadaju, nutyura vuryecha variy jnyuvyeyi, varimyata mavye, vuryechajayasara vatajuu sisa variy. <sup>11</sup>Ramusiy jiryavanutya nuñi jiryedyeyu, jiryentya jmutya nuñi tiquimusiyu, daryatij jiryivaaderya.

**Pávuru datyadoda samirij jityeryiveda**

<sup>12</sup>Nujechiñuy jita jiryey, ratyeryiveda, jiryatidye tuvachu ruumu, rityi jvaay jaryi jiryequyeyimu, rityi jiryeyantavay Nutyityumu, rityi vasenu jiryey. <sup>13</sup>Jiryajachipiya samivyaju riñijyu jivyatadamuju, ruvaayadiva; jiryantya vichaniy samivyeyi. Jiryavichanichara samiy nuñi jiryeyu. <sup>14</sup>Nuñitay jita jiryiva, ratyeryiveda, jiryantya vasenu riy pituvye. Jadchintiyi, jiryantya vanutyaniyryi vadiiryu jachityavay. Jadchintiy

jiryajmutya riy jantyuramu vichavay, ne vanira niquevye jiryeyñicha rijyu. <sup>15</sup>Jatij jiryemyurichenu vacha vichadatara vacha vichadeda. Jiryavata jitaru samirya vichadeda jiñijyu day, titaju nijyanvay nijyu jarye.

<sup>16</sup>Jiryajchanajeyasara.

<sup>17</sup>Jiryatuchujaya sisa Judenu.

<sup>18</sup>Jiryajchanatyajaya titaju tara vichasadamuni Judenu, ne jiryinuy darya savata Jesucristumu jiryeyu.

<sup>19</sup>Ne jiryajirichani Judenu Jnutu. <sup>20</sup>Ne jiryarrachura Judenuju tuvachoda.

<sup>21</sup>Jiryajantya titajura, jiryajuriy surrara jiryatij samirya darya. <sup>22</sup>Jiryantya jiintyechara vacha vichadamusi.

<sup>23</sup>Nini jita Judenu nitij say samirya vichasada vuy, nini rajiintya titaju taramusi jiyu jiryey, sabay miryanini jiryintu, jiryeyechiy jaryey, jiryevyu jaryey titaju. Sabay juuchajsamij variy jiryey, Vuyntyityu Jesucristu jtijadasaraju.

<sup>24</sup>Nitij natuvyuy, ne quivurya jita day, nini jita rajtotantiyrya.

**Samuchaveda riy, savatada sajvaay Judenu samij riyadaju**

<sup>25</sup>Ratyeryiveda, jiryatuchu sisa Judenu nudyeyadaju. <sup>26</sup>Jiryamuchuvay Jesucristu vatadamu riy vutjevay titaju, samirya jvadiyadamuju jiryamuchuvay nujuuntidye.

<sup>27</sup>Ritay jita Nutyityu jtedamu jiryiva: Jiryaniquetta vijyomujachera jiryaca, titaju vuteryiveda tuvachodaju.

<sup>28</sup>Samirya racha jiryeyu, Vuyntyityu Jesucristumusi.

*Sayanuma jiryetyeryi Pávuru*